



IJWI RY'UBUHANUZI
ISHURI RYA BIBILIYA
MWIPOSTA

B.P.

70

BUJUMBURA

BURUNDI

ICIGWA CA 4.

INCUTI Y'IMANA IHINDUKA UMWANSI
WAYO N'ABANA BAYO

Umurongo wo kwibukwa : «Umumarayika w'Uhoraho ashagaje impande zose z'abamwubaha, akabarokora.» Zaburi 34 : 7.

URWINJIZO

Mu cigwa ca mbere n'ica kabiri twabonye yukw Imana iba mw ijuru, vyongeye kw Intebe y'ubwami ari yo ishinze. None ni yo ibayo yonyene ? Canke mw ijuru hariho ibindi biremwa ? Matayo 22 : 30, «Bazomera nk'abamarayika bo mw ijuru.» Luka 15 : 10, «Haba umunezero imbere y'abamarayika b'l-mana kubw'umunavyaha umwe yihannye.» Mur'iyi mirongo tubona yuko mw ijuru hariyo ibiremwa. Ivyo biremwa vyitwa abamarayika.

ABAMARAYIKA BO MW IJURU.

1. Ni nde yaremye abamarayika ?

Hariho abantu bensi bamwe bamwe bashaka ko twemera yuko abamarayika ar'impwemu z'abantu bapfuye, canke imizimu. Tuzi neza kw atari impwemu z'abantu bapfuye na gato kuko igihe Imana yarema abamarayika ata muntu yari bwapfe.

Itanguriro 3 : 24, «Nuko yirukana uwo muntu ; kandi mu ruhande ruhera i burasirazuba rw'ryo tongo ryo muri Edeni, ahashira abakerubi.» (Abakerubi ni abamarayika.)

Ezekiyeli 28 : 14, «Wari umukerubi usizwe amavuta, ushanje amababa. «Kandi tuzi yukw abamarayika baremwe n'Imana ; kuko dusoma mu B'i Kolosayi 1 : 16, ngo «Kuko muri we ari ho vyose vyaremewe, ivyo mw ijuru n ivyo mw isi.» No mu Baheburayo 2 : 7, ngo «Wamucishije bugufi, aba musi y'abamarayika gato.»

Ni koko abamarayika baremwe n'Imana.

2. None hariho abamarayika bangahé ?

«Ibihumbi n'ibihumbi baramukorera, kandi amasinzi n'amasinzi bari bahagaze imbere yiwe.» Daniyeli 7 : 10.

«Ndaraba, numva ijwi ry'abamarayika benshi bakikije ya ntebe na vya binyabugingo na ba bakuru : igitigiri cabocari amasinzi n'amasinzi, ibihumbi n'ibihumbi.» Ivyahishuwe 5 : 11.

3. Abo bamarayika bakora iki ?

«Ibihumbi n'ibihumbi baramukorera.» Daniyeli 7 : 10. Abaheburayo 1 : 6, «Abamarayika b'Imana bose bamusenge.» «Bamarayika mwe murangura ibwirizwa ry'Imana mukwumvir'ijwi n'ijambo ryiwe.»

Imana ituma abamarayika kw isi ngo barinde abana bayo, kandi ngo barangure imigabo yayo. Zaburi 34 : 7, «Umumarayika w'Uhoraho ashagaje impande zose z'abamwubaha, akabarokora.

Abaheburayo 1 : 13, 14, «Ariko ni nde wo mu bamarayika yigeze kubarira, it'icara iburyo bwanje, ushitse aho nzohindurira abansi bawe indava musi y'ibirengé vyawé ? Mbega abamarayika bose s'impwemu ziyikorera, zitumwa gukora igikorwa kubw'abazoragwa agakiza ?» Niko barakorera Imana bagafasha n'abantu. Zaburi 91 : 10, 11, «Nta kibi kizogira ico kikugira, kandi nta cago kizokwegera ihema ryawé, kukwazokuragiza abamarayika biwe, ngo bakuzigame mu nzira zawe zose.» Iyo gukekeranya kudushikiye mu buryo bwose, Imana irungi abamarayika kudufasha. Umuntu wese afise umumarayika amurinda. Matayo 18 : 10, «Mwirinde ntimukengere umwe mur'aba bana bato : ndabbwira yuko mw ijuru abamarayika babo bama baraba mu nyonga ha Data wo mw ijuru.» Ivyakozwe n'Intumwa 12 : 15, 16, «Baramwishura bat'Urasara. Na we avuga ashimitse kw ar'ivy'ukuri. Bati n'Umumarayika wiwe, (ari we Mumarayika wa Petero). Niko umwana w'Imana wese afise umumarayika amurinda.

INCUTI Y'IMANA IHINDUKA UMWANSI WAYO.

Twasomye kw abamarayika ar'abana bayo, kukw Imana ari yo yabaremye. N'incuti z'Imana kuko bayikorera, kandi bakyumvira, bakayifasha kurinda abana bayo bari kw isi. Ariko umusi umwe, umwe wo mur'abo bamarayika yagararije Imana, Umuremyi wiwe. Izina ryiwe yitwa Lusiferi, canke Inyenyeri yo mu mutwenzi. Yesaya 14 : 12, «Wa nyenyeri yo mu rubungubungu we, wa mwana w'umutwenzi.» Yari umumarayika mukuru mw ijuru, kuko muri Ezekiyeli 28 : 14 dusomamwo, ngo «War'umukerubi usizwe amavuta, ushanje amababa.» Mu murongo ukurikiye havuga, ngo «Wari agahore mu ngeso zawe zose uhereye umusi waremweko, gushitsa igithe ibigabitanyo vyakubonetseko.»

Niko Lusiferi yari ikiremwa gitunganye; ariko siko yabandajie kwigenza, yoheje abamarayika benshi kugarariza Imana ; kushika n'aho intambara itera mw ijuru. Hanyuma Lusiferi amaze kuba Satani, UMWANSI n'inzoka, we n'abamarayika biwe bamwirukana mw ijuru. Ivyahishuwe 12 : 7—9, «Mw ijuru havyuka intambara. Mikayeli n'abamarayika barwanya ca gisato : igisato kirwanana n'abamarayika baco. Ntibatsinda, kandi mw'ijuru ahabo ntihaba hakiboneka. Ca gisato c'amahero

kirakororwa, nico ya nzoka ya imbere, yitwa Murwanizi, irindi ni Satani, nico kizimiza abari kw isi bose, gikororerwa kw isi, abamarayika baco bakororanwa naco.» Luka 10 : 18, «Arabbwira, ati Nabonye Satani, avuye mw ijuru akoroka nk'umuravyo.»

MBEGA IMANA NZIZA YOBASHA ITE KUREMA SATANI MUBI ?

None Imana ni yo yaremye Satani ? Oya, Imana yaremye Lusiferi ari umumarayika w'intungane, hanyuma ni we yihindu ye Satani. Wotubaza uti «Bishoboka gute ko Lusiferi yihindura gurtyo ? Satani yari afise ububasha bwo guhitamwo iciza canke ikibi ; nk'uko umuntu wese yitorera ico ashaka. Imana ntiyaremye umuntu ngo imute mu mutego. Oya, Umuntu ashobora gukora ikintu kimwe, mugabo ikindi naco akakireka. Hinge tugereranye ayo majambo n'isaha. Isaha ifise ibimenyetso, maze ikagenda nk'uko bibereye. Iyo itafise ivyo bimenyetso, ntishobora kugenda n'ugukora, ikora ivyo itegetswé gukora. Umuntu we ntameze gurtyo, kukw ashobora gukora ikibi canke iciza.

N'ube nk'ufise ububasha bwo kurema, maze wiremere uruhinja rutoya ruri musi yawe. Urugize nk'yo saha, ntirushobora gutoramwo ico rushaka. Nta bubasha bwo gucumura rufise. Rugomba gukura neza hagera isaha ya kabiri rukaja kuryama, kandi rukavyuka isaha cumi na zibiri zo mu gitondo. Nta kindi rushobora gukora, kuko ruba rwaremwe gurtyo. Imisi yose ruza imbere yawe, rugakura rukwubaha. Rwigenza gurtyo ku-kw ari ko rwaremwe. Ntirufise ububasha bwo guhitamwo. Rubasha kukubwira amajambo nk'ayo ibihetangabo cumi ku musi, kandi birarukwiye, ni ko ruremye, ntirubasha kwibuba kugira ico ruvuga rwose.

Mbe none umwana nk'uyo yokwubaha nk'isaha, adashoboye kugira ikindi akora, yokunezereza ? Oyaye. Yoba ar'umutego ata c'umaze. Ni ko vyari kuba ku bamarayika no ku bantu, iyo Imana itabaremana ububasha bwo guhitamwo kuyigambiarira canke kuyigamburukira. Imana ishaka ko tuyikorera kandi ko tuyubaha kuko tuyikunda. Ntitubwira n'agahato. Nuko rero abamarayika n'abantu bafise ububasha bwo guhitamwo kuyikunda canke kuyigambabarira.

Iyo umuntu acumuye, mu bisanzwe ageregeza kurondera uwundi yocumuza. None s'ivy'ukuri ? Uko ni ko Lusiferi yabigize. Yagerageje kuronka abandi bamarayika bagarariza Imana n'amabwirizwa yayo. Biteye ikigongwe cane kumva ko bamwe bo mu bamarayika bumviye Lusiferi, kugera awh Imana itandukana na bo rwose. Maze arajugunywa. Soma Ivyahishuwe 12 : 7—9. Kuva ubwo Lusiferi yaciye amenyekana kw ari Satani, Umwansi n'Igisato.

Mur'ivyo vyose nahw azwi kw ari Ikiyoka canke ya nzoka ya kera, ariko ntagifise iyo shusho na gato.

4. None Satani asa gute ?

Ezekiyeli 28 : 17, «Ubwiza bwawe nibwo bwateye umutima wawe kwishira hejuru, igitinyiro cawe nico cononye ubwenge bwawe ; » Matayo na we yavuze ivy'uwundi mumarayika muri Matayo 28 : 3, at'«Ishusho yiwe yasa n'umuravyo, n'impuzi ziwe zera nka shelegi.» 2 Ab'i Korinto 11 : 14, «Kandi ivyo ntibibatangaza, kuko na Satani yigira umumarayika w'umuco.» Har'ah'umuntu abona ishusho ya Satani afise amahembe n'u-

murizo, mber'ivyo s'iv'y'ukuri, kukw iyi mirongo yerekana kw ar'umumarayika mwiza w'umuco.

IMANA YEREKANYE KW IGOROKA.

5. None ni kuki Imana itaciye irandura Satani amaze gucumura ?

Kuki Imana yemereye Satani kuza mw isi ngw asuke umuntu mu nyenga ? Imana ntiyashatse kurandura Satani agikora ica-ha ; ni koko Imana yar'ifise ububasha bw'ukurandura, ariko ku kubera kw'ar'Imana igoroka, ntiyamuranduye. Satani yahora arega Imana imbere y'abandi bamarayika. Yarayibeshera gusa, akavuga ivy'Imana idakora. Abo bamarayika batangura kwihiakana Imana, bemera Satani. Iyo Imana ic'irandura Satani, abamarayika bari kurushiriza kwiyumvira kw'Imana ikosa Bari kwemera kw ivyo Satani yarega Imana vyar'ukuri. N'iki none cari kwerekana uri n'ukuri uw'ariwe kandi Satani yaranduve ? Iyo Imana ic'irandura Satani, abamarayika bari kuyitinya vyongeye bakayemera, bakayikorera babitumwe n'ubwoba, atari ukuyikunda. IMANA NURUKUNDO. Na yo ikunda igikorwa kiranguranywe urukundo. Yararetse Satani yigumira ngaho, kugeza ubw'abana bayo bazokwibonera bonyene ububi bwa Satani, kukw ata bwiza yaranganwa, abana b'Imana nti-bazoba bakiyifitiye amakenga, maze Satani abone guteterezwa, kandi azomaramara cane. Ivyahishuwe 10 : 20, «Kandi Umu-rwanizi yabajimiza afererwa muri ca kiyaga caka umuriro n'amazuku.» Matayo 25 : 41, «Umuriro utazima wateguriwe wa Murwanizi n'abamarayika biwe.»

Abantu bamwe bashaka ko twemera ko ata Satani abaho, kandi ko Satani ar'ibicumuro gusa. Mbe none igicumuro cahe-rengetewe n'umuriro gute ? Yakobo 2 : 19, «Wemera yukw Imana ar'imwe ? Ugize neza ; abadayimoni na bo nyene baravyemera, bagahinda agashitsi.» Mbega none igicumuro cokwizera gute kandi cohinda agashitsi gute ? Iyo abantu biyumvira kw ata mwansi ariho, Satani araheza akabishima, ngo s'ikire-mwa kibaho. Umuntu yokwemera ivyo yozimizwa vuba. Iyo umuhigi ashaka gutega inzovu yimba ikinogo kirekire, ngw aheze akakirenzakw ivyatsi. Inzovu yaza ikagwa muri kino kinogo itakibonye. Niko bimeze no ku muntu. Iyaba atari azi ko Satani ariho, yoguye mu mutego agafatwa bitaruhiye. Noneho Satani ariho n'ikiremwa kizima.

UBUBASHA BWA SATANI.

6. Mbega none Satani arafise ububasha ?

Ego, Satani arafise ububasha. Ivyakozwe n'Intumwa 26 : 18, «Kubahumura amaso kugira ngo bahindukire bave mu mwiza baje mu muco, bave mu bubasha bwa Satani baje ku Mana.»

1 Petero 5 : 8, «Mwirinde ibiboreza, mwame mugavye ; umurezi wanyu ariwe wa Murwanizi, agendagenda nk'intambwe yivuga, arondera uwo arotsa.» Intambwe ifise ubukomezi bwinshi, na Satani afise ubukomezi bwinshi, yamara Imana imusumvya ububasha. «Maz'umumarayika w'Uhoraho, araso-hoka atera mu rusago rw'Abashuri, yicamwo ingabo ibihu-mbi ijana na mirongumunani na bitanu (185 000). Aho umumarayika w'Imana yamanuka mw ijuru, abo bantu baramubonye bikubita hasi nk'abapfuye. Matayo 28 : 2-4, «Kuk'umu-marayika w'Umwami yar'amanutse ava mw ijuru,

ishusho yiwe yasa n'umuravyo, impuzu ziwe zeranka shelegi. Ubwoba yateye abararirizi bubashira mu gatengo, bamera nk'abapfuye».

Muri Bibiliya hari uturorero twerakana kw'abamara-yika barusha abanyavyaha inkomezi.

Mu gihe Petero bamufungira mu nzu y'imbohe, yakuweyo n'abamarayika. Ivyakozwe n'intumwa 12 : 5—9, «Nuko Petero arindirwa mw ibohero... mur'iro joro Petero yari asinziriye hagati y'abasoda babiri, ... aboheshejwe iminyororo ibiri, ... maz'umumarayika w'Umwami Imana amuhagarara iruhande, umuco uboneka mu nzu. Akoma Petero mu mbavu, aramukangura ati Vyuka n'ingonga. Iminyororo imuva ku maboko irakorkoka.... Umumarayika, ati Kenyera, kandi wambare inkweto zawe. Kandi aramubarira, at'lkubireko umutamana wawe, unkurikire. Arasohoka aramukurikira.» Daniyeli akizwa ameno y'intambwe. Daniyeli 6 : 22, «Imana yanje yarungitse umumarayika wayo, azibira iminwa y'intambwe, ntaco zankozeko.»

Imana ituma abamarayika bayo gusuka ivyago ku banyabibi. Ivyahishuwe 16 : 1, «Numva ijwi rirenga rivuye muri rwa ruse-ngeru ribarira ba bamarayika ndwi, titi Nimugende, musuke kw isi izo nzavya ndwi z'uburake bw'Imana.

N'ukuri bidatevye Imana izorandura Satani, kandi bice biboneka kw Imana irusha Satani ububasha.

Ivyahishuwe 20 : 7, 9, «Satani azorekurwa ngw ave mw ibohero,... umuriro uratibuka uvuye mw ijuru, urabarigata.»

TUGAMBURUKIRE NDE, IMANA CANKE SATANI ?

Satani yabesheye Imana imbere y'abamarayika . Yabonye benshi bamukurikiye. N'umunyabinyoma kandi ni se wavyo. Yohana 8 : 44. «Muri aba so wa Murwanizi ; (Ni Yesu abarira abanyabicumuro)... kukw ar'umunyabinyoma kandi ari se wavyo.»

Iyo n'imburo kuri twebwe kugira ngo twice amatwi ntitwumve ikinyoma cose. Kuko dutunze n'Urukundo rw'Imana, yamara ivyo Satani adukwegakwegeramwo n'intambara ihambaye. Amasezerano yiwe s'ayo kwizigirwa.

Musomyi uwo uzokwumvira ni nde ? Ni Satani w'umunyabinyoma canke n'Imana y'URUKUNDO ?

ITEGEREZE NEZA : Ukoreshé Bibiliya hamwe n'icigwa.
 Iribazo cose gifise JNYISHU IMWE GUSA. Wandike X mu
 kazu k'inyishu y'ukuri. Ntihagire ikintu wandika mu tundi
 tuzu tubiri dusigaye. Raba akarorero ku kibazo cal c'icigwa

IBIBAZO VY'ICIGWA CA 4.

1. Satani akiri umumarayika mwiza.

- A. Satani akiri mw ijuru yitwa Petero.
- B. Satani akiri mw ijuru yitwa Lusiferi.
- C. Satani akiri mw ijuru yitwa Gaburiyeli.

2. Ishusho ya Satani.

- A. Satani afise ihembe.
- B. Satani n'umumarayika.
- C. Satani asa n'inzoka.

3. Ubushobozi bwa Satani

- A. Satani afise ubushobozi busumba ubw'Imana.
- B. Imana irusha Satani inkomezi.
- C. Satani ni we yaremye ibiyaga.


4. Abamarayika n'iki ?

- A. Abamarayika n'abantu bapfuye.
- B. Abamarayika n'ibiremwa vy'Imana.
- C. Abamarayika n'imizimu.


5. Amaherezo ya Satani n'ayahe ?

- A. Satani azorandurwa atabwe mu mazi.
- B. Satani azorandurwa atabwe mu muriro.
- C. Satani azokwicwa n'umuyaga.

IJWI RY'UBUHANUZI
ISHURI RYA BIBILIYA MW IPOSTA
B.P. 171 Bujumbura
Burundi.



Izina.....



Ah'uba

.....